



UNIVERSITÄTS-
BIBLIOTHEK
PADERBORN

Compendium Privilegiorum, Et Gratiarum Societatis Jesu

Pragae, Anno M.DCC.III.

VD18 13723553

V.

[urn:nbn:de:hbz:466:1-65423](https://nbn-resolving.org/urn:nbn:de:hbz:466:1-65423)

res, quos ipsi ad id elegerint, propter præmissa injunxerint. Pius v. ut in privilegiis impressis, fol. 185. & seq. Concessum est etiam Societati à Greg. XIII. V. V. O. quod jam pridem sortitum est suum effectum.

De electione Confessarii servetur Regula & Privilegium Societatis, de quo verbo Absolutio. §. 11. & verbo Gratiarum usus. §. 2. Quod attinet ad uniones, precedens privilegium revocatum fuit per Gregorium XIII. ut in ejus Bulla sub data Kalend. Martii anno 1572. quæ incipit: In tanta.



TRANSLATIO ad alium Ordinem.

Vide quæ habentur verbo *Apostata. §. 10. & 11. & verbo Professi. §. 2.*




VISITATORES.

Indulg. plen. pro Nostri in visitatione.



Osunt Visitatores Nostræ Societatis in singulis Collegiis & Societatis locis, absolutâ visitatione concedere Nostri benedictionem, & Indulgentiam

plenariam, & hoc in perpetuum. Vivæ vocis oraculo, concessit Gregorius XIII. ut in vivæ vocis orac. pag. 126. in fine. Vide & V. *Indulgentia*. §. 10.



UNIONES.

Revocationes unionum, &c.



Unionibus Monasteriorum, Ecclesiarum, Prioratum, aut aliorum beneficiorum Ecclesiasticorum factis Societati, vel faciendis per Sedem Apostolicam, nullum præjudicium fit per quascumque revocationes & annullationes unionum, per Leonem X. ejusque Successores factas, nisi in eis litteræ unionum de verbo ad verbum infererentur, & fieret individua & specifica mentio de ipsis Monasteriis, & locis, & Societate. Concessit Leo X. Camaldulen. per Bullam, dat. 4. Non. Jul. 1513. Inc. *Etsi à summo*: est 2. in Bull. comm. §. 46. & Eug. IV. Benedictinis per Bullam, dat. prid. Kal. Jul. 1436. Inc. *Ad Monasterium*: est 14. in Bull. Regul.

Potest nihilominus Episcopus examinare uniones, an sint subreptitiæ, juxta dispositionem Concilii Trident. sess. 7. c. 6. de Reform. & sess. 24. c. 13. Vers. In unionibus.

Vide verbo *Simonia*.

VOTA.

§. I.

Tria vota simplicia, ex Apostolica institutione, & declaratione, verè substantialia esse.



Tria Paupertatis, Castitatis, & Obedientiæ vota, post biennium Probationis in Societate emissa, etsi simplicia, ex Apostolica institutione & declaratione, verè substantialia Religionis vota esse, & in illis non nisi per Sedem Apostolicam dispensari posse, nullòque alio modo, quàm per legitimam à Societate dimissionem ea cessare, habetur in Constit. Gregorii XIII. pag. 77. & seq.

§. 2.

Non claudicat contractus, &c. in votis simplicibus.

In simplicibus Societatis votis, nec contractus vitiosè claudicat, nec injustitia ulla intercedit. Gregorius XIV. in sua Constit. pag. 97.

§. 3.

In votis simplicibus Professorũ solus Papa post dispensare.

Vota simplicia Professorum, de non relaxandis Constitutionibus in materia pau-

pertatis, & non ambiendi extra Societ. sunt dispensabilia à solo Papa. Paulus v. per Bullam dat. 31. Jan. 1618. Incipit: *ex incumbenti*; quam retulit, & confirmavit Urb. viii. per Bull. dat. 25. Jan. 1631. Incipit: *Vota qua Deo fiunt.* est 160. in Bull. communi. p. 113.

§. 4.

Obligant etiam post dimissionem.

Votum supradictum, non ambiendi, non cessat obligare, per quamcumque dimissionem à Societate. Urb. viii. per Bullam dat. 21. Maji 1635. Incipit: *Cum sicut accepimus, &c.* est 196. in Bull. comm.

De votorum commutatione, vide verbo *Commutatio*; & de eorum dispensatione, vide quæ dicuntur verbo *Dispensatio*. §. 10.

Vota Societatis, vide verbo *Religiosus*. §. 1. Et quoad irritationem Matrimonii, vide verbo *Apostata*.

